



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2024. godini broj: 02-04-7734-42.1/24, utvrđen Zaključkom Vlade Kantona Sarajevo broj: 02-04-7734-42/24 od 07.03.2024.godine i Programom o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, broj: 02-04-36792-1.1/24, utvrđen Zaključkom Vlade Kantona Sarajevo broj: 02-04-36792-1/24 od 16.07.2024. godine, o b j a v l j u j e;

JAVNI POZIV NEZAPOSLENIM OSOBAMA

DA SE PRIJAVE ZA UČEŠĆE U PROGRAMU „OBUKA KROZ RAD KOD POZNATOG POSLODAVACA“

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva nezaposlene osobe sa evidencije nezaposlenih u Kantonu Sarajevo da se prijave za učešće u Programu.

Program obuka kroz rad kod poznatog poslodavca (u daljem tekstu: Program obuke), realizuje se obukom i zapošljavanjem nezaposlenih osoba sa evidencije nezaposlenih u Kantonu Sarajevo za poznatog poslodavca sa sjedištem u Kantonu Sarajevo.

Cilj Programa je unaprjeđenje praktičnih vještina nezaposlenih osoba kroz direktno radno iskustvo, omogućavajući im da steknu dragocjena znanja i vještine koje su neophodne za konkurentnost na tržištu rada.

U smislu ovog Programa:

Obuka znači proces sticanja znanja, vještina i kompetencija kroz učenje i praktično iskustvo. Obuka može uključivati različite metode kao što su teoretska predavanja, praktične vježbe, radionice i mentorstvo, s ciljem osposobljavanja nezaposlenih osoba za određeni posao.

II

Dužina trajanja Programa obuke obuhvata period 6 mjeseci uz mogućnost produženja na dodatnih 6 mjeseci što u konačnici iznosi period od 12 mjeseci obuke kroz rad kod poznatog poslodavca.

III

U cilju provođenja ovog Programa, poslodavac prvih 6 mjeseci samostalno finansira zapošljavanje osobe sa evidencije nezaposlenih u Kantonu Sarajevo. Nakon isteka roka od 6 mjeseci, Služba će poslodavcu, korisniku Programa uz obavezno dostavljanje dokaza o završenoj obuci osobe koju je samostalno finansirao 6 mjeseci (izvještaj o uspješno provedenoj obuci definisan putem aplikativne forme Službe i potvrde o učešću za svaku osobu pojedinačno potpisanu od strane mentora i ovjerenu od strane poslodavca) refundirati iznos od 12.000,00 KM ukupno za svaku pojedinačnu osobu. Svi drugi eventualni troškovi padaju na teret poslodavca.

Ukoliko poslodavac, korisnik ovog Programa nakon isteka roka od 6 mjeseci zadrži u radnom odnosu osobu koja je prošla Program obuke kroz rad, Služba će dodatnih 6 mjeseci, mjesečno, refundirati sredstva u iznosu od 1.000,00 KM. Svi drugi eventualni troškovi padaju na teret poslodavca.

Ukoliko u toku trajanja Programa a prije isteka roka od prvih 6 mjeseci obuke kroz rad dođe do prekida Ugovora o radu iz bilo kojeg razloga sa osobom koja je učesnik/korisnik Programa, Služba neće refundirati iznos definisan u ovom članu.

IV

U Programu pravo učešća imaju sve nezaposlene osobe prijavljene na evidenciju nezaposlenih u Kantonu Sarajevo prije aplikacije poslodavca na javni poziv bez obzira na dob, spol, zanimanje/stepen stručne spreme, sa i bez radnog iskustva/staža i poslodavci registrovani u Kantonu Sarajevo.

V

Poslodavci koji žele da učestvuju u ovom Programu dužni su dostaviti u originalu ili ovjerenj fotografiji:

- a) aplikaciju za učešće u Programu (prilog 1)
- b) rješenje o registraciji u Kantonu Sarajevo a za pravna lica koja su u skladu sa Zakonom obavezna izvršiti upis u sudski registar, dostaviti aktuelni izvod iz sudskog registra u Kantonu Sarajevo koji ne smije biti stariji od 60 dana od dana podnošenja prijave na javni poziv,
- c) uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv (izdat od strane Porezne uprave Federacije Bosne i Hercegovine),
- d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) ne starije od 60 dana od dana podnošenja prijave na javni poziv,
- e) plan i program obuke (prilog 2)

U Programu ne mogu učestvovati :

- a) Poslodavci koji redovno ne izmiruju obaveze uplata javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje BiH ukoliko je poslodavac PDV obveznik o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje BiH ili uvjerenje da poslodavac vrši uplate po potpisanom ugovoru,
- b) Poslodavci koji nemaju nijednog radnika ili osobu prijavljenu u radni odnos.

VI

Poslodavci korisnici ovog Programa dužni su u radnom odnosu zadržati postojeći broj radnika koje su imali u momentu podnošenja aplikacije, uvećan za broj sufinansiranih osoba koje će zasnovati radni odnos kod poslodavca, osim u slučajevima odlazaka u penziju postojećih radnika, raskida ugovora o radu na zahtjev radnika ili isteka ugovora o radu na period na koji je sklopljen.

Izuzetno, odredbe prethodnog stava ovog člana ne odnose se na poslodavce iz javnog sektora.

VII

Javni poziv za Program ostaje otvoren do utroška sredstava, a najduže 3 mjeseca od dana objave uz mogućnost prekida i prije 3 mjeseca, a odobravanje aplikacija po Programu vršit će se prema vremenu i redoslijedu zaprimanja na protokolu Službe.

VIII

Rok za realizaciju Programa je 18 mjeseci od dana potpisivanja pojedinačnih ugovora, uključujući i eventualne anekse ugovora. Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, o čemu će poslodavac blagovremeno obavijestiti Službu te dostaviti relevantne dokaze o prethodno navedenom.

IX

Obrasci za podnošenje Aplikacija i prilozi se mogu dobiti u Službi u Odjeljenju za podsticajne mjere zapošljavanja, ulica Đoke Mazalića 3, kancelarija br.15/I, općinskim biroima ili preuzeti sa web stranice Službe www.szks.ba.

Nepotpuni i neblagovremeni zahtjevi neće se uzeti u razmatranje, a Služba neće vršiti povrat zaprimljene dokumentacije.

X

Rezultati ovog javnog poziva biće objavljeni na web stranici Službe.

XI

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, u zatvorenoj koverti sa napomenom: „Za Program Obuka kroz rad kod poznatog poslodavca“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-083.

